

Dr. I. Đ. Višošević, rektor grkt. sjem. Zagreb г. Б.

РУСКИ НОВИНИ

„Руски Новини“ виходза кажди тидень, — Предплата на рок 60 Дин. Адреса: „Руски Новини“ Р. Керестур.

ЗА РУСИНОХ У ЮГОСЛАВИЈИ

Видава: Руске Нар. Пресв. Дружество
Редактор: Мих. ФИРАК.

Найважнейши висти.

ВЕЛЬКИ НОБИДИ

народного войска над большевиками у Еспанији так розбили большевицке войско, же воно без ніякого шора сцека зос фронту. Войско генерала Франка уж ше приближело границом Каталоніи, котра ма свою аутономию и свою владу, але помага большевицкох. Главни каталонски варош авийони ген. Франка у остатніх дньох так страшно бомбардовали, же було коло 1200 забитих, а велі хижки у штрעדку варошу розвалиани. Народ сцека з варошу до горох да ше скрие пред бомбардерами. Явяю новини, же сам святи Отец Папа поволал ген. Франка да престане з бомбардованьом отворених варошох, котри не утвердени.

У АБСТРИЈИ

Гитлер дал позаверац веліх бувших аустрийских министрох и високих уряднікох. Велі ше сами заштрелели, да их Гитлеровци не цагаю пред суд и не муча. Гитлер позрүцовал шицких виших а и веліх ніжших уряднікох шицкого коло 6.000. Завар и католицкого владику у Залцбургү, бо вон вше оштро виступовал цроци Гитлерового насилства. Цо Австрия достала, а цо страцела зос зединеньом з Гитлерову Немецкү, то аж будучносц укаже.

НА ОБРАНУ СВОЙОГО ВОЖДА

нашого митрополита Шептицкого котрого як знаме нападнүл безобразно Поляк Войцехов, приходза ише безчислени протести зос цалей Галичини и з других крайох, дзе наш народ жие. Цали наш народ силно огорчени, же ше тот Поляк усүдзел у польским парламенту оклеветац Митрополита, котрого шицок наш народ поштуе и люби як першого свойого вожда и отца народу.

НЕ БУДЗЕ ПОРОЗУМЕНЯ

медзи Англию и Италию аж дотля, док Англия не призна Италији Абесинию. Хто у тим тим питаню попуци не мож напредок угадац, але саме порозумение тих двох вельких державох барз важне и потребне за цали швет.

ПОНАГЛЯ З НАОРУЖАНЬОМ

Англия, бо увидзела, же заостала за другима державами, та зато нема такей моци и поштованя у швецех, як мала скорей. Тераз одредзела влада знова силнү суму од миллиарду и пол фунти за наоружане особено на морю и у воздуху.

Ширце „Р. Новини!“

По Европи.

Спор Польскей и Литви.

Литва малка держава на сиверу од Польскей над Балтийским морьом. Постала по войны, а скорей була под Русию. Литва ма шицкого дас 3 миллиони житељох. Една часц литовскей жеми остала под Польску зос варошом Вилна, котри Литовци преглашели за свою столицу. И баш пре тоту Вилну жила Литва з Польску у неприязельству и не сцела мац зос по ніякей звязи ані политичней ані торговскей. На польско-литовскей граници стала вше стража. И баш медзи польску и литовску стражу настал не давно оружани спор. Еден польски стражар забегнүл ше на литовски територии и там го литовска стража заштрелела. Од того направела польска влада вельке питане и послала литовскей владу у Ковну оштру ноту (письмо), у котрей пита од Литви, да такой престане зос неприязельством и ступи зос Польску до нормалних сүшведских одношайох, инакш Польска виступи проци Литви зос оружану силу.

Цали швет з вельким интересом чекал, цо зроби Литва, яки да одвит на тот польски ултиматум.

Литва мала з большевицкү державу догварку, же большевици буду Литву бранит, кед би ю дахто нападнүл. И на тоту большевицкү помоц покладали Литовци велькү надю. Але тераз большевицка держава барз ослабена од непрестаних процесох проци главних преднякох большевизма, велі главни генерали були по розказу Сталина поштрелани, а войско без добрих вождох ніч не вредзи, гоч яке би було вельке и гоч як модерно наоружане.

И озда лем зато, же од большевицкох Литва тераз не може достац потребней помоци у спору зос Польску, литовска влада понущела и пристала на шицки жаданя Полякох. Так ше за тераз тот спор, котри могол буц барз опасни за мир у Европи, мирно бировнал. А чи за длүго, то друге питане.

О Чехословацкей

держави и ей будучносци пишу тераз шицки новини у звязи зос препасцү самостойней Австрији. Спомина ше, же Гитлер не забудзе за миллион Немцох цо жию у Чехословацкей. А едина Французка подязала ше, же будзе бранит терашні граници ческей держави. Ані Англия ані Италия не сцү дац Чехословацкей такү гаранцию. А сама Французка нешка не така моцна, же би могла Чеекү очувац од прициску Немецкей у иедалекей будучносци. Велька Немецка держава облапя тераз Чехословацкү зос трох странах и таки положай барз не сигурни.

Велька Немецка

ма мераз зос Австрию 75 миллиони житељох и граници зос Италию, з котру е у вельким приятельству и з тим лем повекише немецкү моц. Розуми ше, же такү силу муша поштоват и вельки держави, а не лем менши. Нешка уж положай у Европи таки, же без Немецкей не може ше ніч започат, а тим меней може ше дацо зробиц ей упрекосц и на ей чкоду.

Европа нешка нема ровновати силлох то ей найвекша хйба.

Немирна нешка Европа и нестасена у своіх основах. И ніч ей не поможе силне наоружане, док душа Европи не оздрави и не врати ше на драгү правди Божей, а не охаби драгү нижи и сили.

Пастирске Послание

Пресв. Владики Дионизия, о Пресв. Евхаристий.

Горуце жадане св. Церкви, да шивши католици моля и да робя на тим, же би по скорей Бог послал тот час, кеди ми шивши и — нашо не зединети браца — будземе едно стадо и вден пастир.

Так би могол постац тот интернационални союз любви, едини на тим шивене, котри може створиц лем Исус Христос у пресв. Евхаристий. Тот союз бул би темель сталного мира на шивце и единства у Христовей Церкви тиж гаранция правди и любви, цо шивши гледаю.

Тот циль ма и 24. Евхаристийски Конгрес у Пешти, цо ше отрима того року при кончу менаца мая.

Тоту длужносц маме и ми у тих нешкайших чехких часох. Прето ше зединьме голем у духу з учаспками Конгресу у Пешти и зос 400 миллионима католицкох розшатима по цалим шивце, котри напевно послушаю глас папи Пия и робиц буду над виполньом задачи того конгреса.

Исти тот циль ма и тото мойо кратке послание. Я сцем посигнуц то, же да шивши вирни крижевского владичества голем у духу участвую при преслави евхаристийного Спасителя и да познейше шившию постанови конгреса.

Прето одредзүем тото:

1. Шицки евхаристийски проповиди най ше тримаю у духу горе спомнүтих цильох.
2. Младеч у школах най ше того року чим лепше поучи о Пресв. Евхаристий.
3. Шицки церковни дружтва пай на своіх схадзкох преучю науку о Пресв. Евхаристий на кельо вопа жертва и душевна храна.
4. Тим цильом треба служиц и друкована беседа. Шицки католици повини треба да ширя идеји Еухар. Конгресу.
5. Шицки святи Причасци, прияти ведно дружтвени лебо школски най ше примаю у

духу Еухар. Конгреса. На тоту циль най ше окончує клаяниє пресв. Еухаристий през цали рок.

6. Мешац май най ше слави як мешац мацери Еухаристийного Спасителя.

7. Подчас самого конгресу най ше у пб-единих парохийох, отрима евхаристийна преслава голем през три дні. На проповідях най ше гутори о тих темох: а) Еухаристия най-векши дар Божи, б) Еухаристия школа вири и в) Еухаристия вязь любви.

8. Остатній дзень конгреса, котри пада на недзелю 29. мая най ше торжественно преслави. Напровиди най ше потолкує тако посланія.

Цала тот медзинародна акция у звязі зос самим XXIV. Еухаристийним Конгресом най будзе у цалей нашей епархії еден триумф Христа Спасителя у Пресв. Еухаристий.

Усилуйме ше, да ше и ми обновиме у пожертвовней любви гу Христу и вона будзе нам помагач, да можеме з успіхом робиц за „мир Христов у кральовству Христовим“ и за то, же би було „едно стадо и еден пасцир“.

О тих преславах най ше своєчасно яви Ординарият.

„И най буду ласки Велького Бога и Спасителя Нашого Исуса Христа зос шицкими вами, браца священіци и мили у Христу вирни“.

Крижевци, на дзень отданія праздника Стритенія Господнього 1938.

† Дионизий, владика.

Привитальна бешета

цо ю вирек пресв. нашому Владикови петровски биров Олеар М. при пригуду Владики до Петровцох.

Мили наш госцу преосвящени Владико! Як председник тей општини и представник валалу, я Вас на його прагу дочекуєм, поздравляю и витам. Радосц є велька, хтора тим часом польні шерца нашо, бо не радує ше лем шерцо нашо, хторе у своєй радосци дава нашим, але ше радує и душа наша, бо Ти приходиши як архипастир да нам повеш слово, хторе ма да будзе лік, не лем шерцу але и души нашей, хторе нас охрабри да витримаме на тей драшки хтору нам указує

наша Греко-католицка вира, хтору нам указує наша свята мати перква.

Руско-Українски народ ше у тих крайох и у твоїм стаду находзи, любі виру своєю, любі священство своєю, душ пастирох своєю. Руско-Українски народ зна, же гоч лем як еден конарчок, хтори одорвани пред 200 роками од велького стабла, од мацери України своєю, а хтори конарчок принесол витор споза Карпатох до тих крайох, до розней Бачки, а познейше и до валовитого Сриму и Славоний, остал Русин Русиним, а остал лем прето же остал Греко-католиким. Вира його була подобна едному малому чамцу у хторим ше збивал у тих крайох Руско-українски народ и гоч у вельким морю, медзи цудзими народами обичаями и вирами, плівал тот чамец през два столітня, а и далей плівац будзе бо ма добрих вождох, бо є у добрих руках, у руках нашого священства, хторе дзелєло зос нашими дідами и прадідами а и нешка дзелі добре и зло теди кед грожели вельки габи того моря кед буря сцела преврациц тот мали чамец, да вирве Русини святиню його, знало нашо священство да виведзе його до луки спаса, знало священство же кед Русин спаши и очува виру своєю, же зос виру своєю Греко-католицку очува не лем Рускоци своєю але очува и спаши душу своєю.

И зато не чудо кед видзиме то и нешка же дзедод ше появя и населя гоч лем пар фамилий Руско-українского народу без попатрунку медзи яки народ або виру, перша им брига як цо то була и брига оцом, дідом и прадідом нашим, да ше остараю за гоч и скромне месточко, на хторе положи фундамент, на хторим фундаменту буду чувац святиню своєю, церкву своєю, хтора зберала вше до громадки оцох и дідох наших,

И зато преосвящени Владико даремни су шицки бурі и шицки габи хтори навалюю на тот гоч и мали чамец, хтори навалюю на нашу Греко-католицку виру, бо наша вира глібоко засадзена у шерцох наших. Руско-українска мац засадзує виру нашу, дзедку своєю почам од коліски па док недобие кридла своєю. И зато преосвящени Владико ми спремни да по прикладу велького свяще-

ЧИТАНЄ З РУСКОЙ ИСТОРИИ.

Сушедзи старей рускей держави.

Стара наша Киевска держава мала за сушедох на западу Влахох лебо Румуньох, котри теди не мали ніякого значеня ані моци, на югу за Карпатами сушедовал наш народ з Мадярами, котри пришли зос Азії и коло 896 року населили ше у днєшней Мадярскей. У 12. и 13. столітню мишали ше велько Мадяре до спорох медзи рускими князями у Галичині о чим будзем писац познейше. На сиверозападу жил наш народ (у Галичині и на Волині) у сушедствє зос польскими племенами, котри народ волац Ляхи и так до нешка волац Полякох. Польска держава постала у тих часох кеди и руска. И покресцели ше Поляци источно зос Русинами, лем вони прияли Христову виру у латинским обряди и так були баржей звязани зос западну просвищену Европу, як ми.

На сиверу у сушедствє руского народу жили славянски племена, котри припадали за Владимира Велького до рускей Киевскей держави, але од котрих з временем постави два окреми славянски народи „Билоруси и Москале“.

За рику Припят и коло горнього Дніпра бивали славянски племена Дреговичи и Радимичи предки нешкайших Билорусох. Вони б ули барз блізки и велько слични руским племеном.

На сиверозападу у вельких лєсох над рику Оку жило племя Вятчи, предки нешкайшого московского народу. Едно време Вятчи

чи були под власцу Хозарох, а вец подпадли по Киевску руску державу та ше почали волац, же су и вони „рускиє людзе“ то значи руски поданици, подложни руского князю. Колоности Вятчиход и ище едного племена Словинох, цо жило найсивернейше од шицких Славянох над ильменским озером, ширели по вельких просторох медзи рику Оку и горню Волгу, дзе уж жили рижни цудзи племена финского и чудского роду. Тоті славянски колонисти змишали ше з тима цудзими пленами давни тоті племена цалком препадли як Мер и Вес, а давни остали до нешка як Черемиси, Мордва, Зиряне. Тоті фински племена стали на барз нізким степу культури и славянски Вятчи фришко фришко над німа завладали. З временем од тей мишаніи славянских Вятчиход и тих финско-чудских племенох розвил ше московски народом.

Тот нови славянски народ, котрого наш народ вше волац Москале од варошу Москва волац сам себе „рускиє людзе“ то значи поданици руских князох зос Киева, котри над Москалями владали у 11. и 12. столітню. И гоч ше познейше московски князи одтаргли од киевскей рускей держави, ипак затримали за себе славне руске мено та баж пре то мено московски князи познейше, кед Киев наш ослабнул заграбали под свою власц стари руски жемни и од 18. столітня почали ше волац Великоруси, а нас Малоруси, ягод да медзи нами и німа нет велькей розлики. Робели то Москале прето, да оправдаю свою власц над нашим народом. Але проци московского владаня наш народ ше вше борел, не спел, да ше го трима за исто зос некультурними москалями.

номученика Йозафата даме и живот наш з нашу святу Греко-католицку виру.

Ми оставаме и далей вирни тей вири у хторей жили и умерели оцове и дідове нашо. Ми оставаме на тей драшки по хторей понесли крест живота своєю Оцове и дідове нашо.

Преосвящени Владико ми це примаме и отвераме ци не лем доми нашо, але ци отвераме и шерца и души нашо, Твоє слова най буду лік най нам даю дзедку за дальшу роботу нашу, да у тих днєох у днєох велького посту обрацеме думи своєю, на того хтори за нас не лем крестношел, але за нас и пре нас бул и розопяти и креш своєю прелял.

Пан биров звершел своєю прекрасну бешеду зос словами писі:

„Слава Богу ише в нас, огонь вири не погас. Сила вири спасет нас“

Витай у нас и благословен гряди во имя господне Владико.

Ужгород.

Пришла до нас жалостна вист, же ше учени и побожни слуга Божи др. Василь Гаджега, препозит и архипресвитер капитули Мукачевскей, преселел до вичности дня 15 марта того року. Покойного добре познаю нешо панотцове, котри як богослове познели своєю богословни науки у Ужгороду. Покойник ше вше любел нашу епархию и радо слухал як ше вона розвива. Велько писал о историй мукачевскей епархії. Його роботи виходзели не лем на Подкарпатскей Русі, але и у Галичині.

Покойник бул вше добри патриот. Любел свой руско-українски народ и пред шицкими явлю ше признавал народним человеком.

Вичная му память!

*МОВО РІДНА, СЛОВО РІДНЕ,
ХТО ВАС ЗАБУВАЄ,*

*ТОЙ У ГРУДЯХ НЕ СЕРДЕНЬКО
АЛЕ КАМІНЬ МАЄ!*

Москальом ше попачела богата руска жем — под цеплим южним слунком, бо їх на сиверу худобна и жимна та зато ше за шо однімали.

На востоку сушедами Русинох були з початку Хозаре, але кед їх держава препадла пришли зос Азії други дзиви племена як Пепиги, Торки, Поляци. З німа ше наша предки мушели кирваво борци и помало одступац зос южних крайох над Чарним Моріом, на сивер дзе було велько лєсох та ше було дзе пред неприятельою скривац. (Далей будзе.)

В. Юрченко.

Зос соловецкого пекла на шлєбоду.

II. (6)

Юрченко ши боі сайсц до непознатого обісца. Пригада себе страданє пайташа Василенка, котри у своїм спєканю прето настрадал, же зашол.

Василенко ишол барз збунети: лебо ніч ше озивал, лебо ше пар зос инструктором, лебо нараз поставал любезни. И раз кед уж прешли дас 10 км. драги, конвой неднул, зос чижмох воду вилвал, Василенко понукнул инструктора зос махорку. Кед тот винял ширку, же заналі, Василенко зграбал його револьвер и скричал:

— Легай! Приклякні! и ані да ше не рушице!

Конвой зместа пришеднул, а инструктор ше руцел на Василенка, але нещєпліво. У едней секунди лежал инструктор у своєй крєви прєштрєлєни, а вец Василенко прискочел гу конвою.

О женїдби.

Цо женїдба?

Женїдба отже звяз мужа и жени. Понеже човек ма душу и тіло, то женїдба найперше *звяз двох душох*. Тота ше звяз двох душох указує у медзисобней любови, подпори, цешеню, медзисобним помаганю и ношеню чешкосцох у випольованю супружки, длужносцох и спильним наслідованю Христа Господа у Його звязи зос Св. Церкву. Але женїдба: тиж звяз двох тілох.

Понеже женїдба и *звяз двох тілох*, вец тота друга звяз муши буц подложна души, бо душа ма пановац над тілом. Прето у женїдби тілесна звяз не така як у животиньох. Вона *одуховлена* и ма да служи найвишому намирению, котре Бог дал човекови: а тото намирение то часц Божа и спашенє душиох.

И животинї жию ведно — але то не женїдба, понеже вони не маю души, и прето у нїх нет *звязи медзи двома душами*. Животинї шицко робя по природним закону (нагону), котрисам Створитель положел до їх тіла. У женїдби тілесну звяз ма провадзиц душа, а не сама тілесна похота як у животиньох. Прето ище рас повторюєм: у женїдби и тілесна звяз одуховлена, бо вона муши души служиц и ю муша на першим месце водзиц душевни интереси: медзисобна любов, родзене нових Божих дзеццох, котри поволали до неба и змирене тілесних похотох.

Понеже женїдба духовна и тілесна звяз медзи мужем и женом а едним животу то тельо значи як: Два шерца, а една два любов; души, а една драга до неба; два огни, а еден пламень, котри прошицує и грее цалу фамилию; една жалосц и една радосц; една стреха и еден стол, една брига за каждодневни хлеб, една недзеля, еден праздник. Така права християнска женїдба, яку установел сам Бог, и котри вон жада.

Кед дацо витаргнеш зос тей животней едносци чи духовней чи тілесней, витаргуєш теди тото и зос самей фамилии, розбиваш и слабиш саму фамилию. Ведно зос тим дораз розбиваш мир и щесце, котре виходзи з того фамилярного живота и котре ше прелїва на цалу фамилию и на шицок край. Управо у тей фамилийней едносци духовней и тілесней, котру Бог поблагословел, находзи ше тото жридло тайновите, з котрого виходза шицки фамилийни чесноти: любов, пожертвовносц, церпелїве медзисобне зношенє, старанє за шицки фамилийни потреби итд. Хто розтаргує тоту животну супружку едносц — духовну и тілесну — тот заблацує и висуєше жридло тих чеснотох гу таких фамилийох, любов висиха, пожертвовносц пада, церпелївосц слабие, препада брига за фамилийни

— Не знам цо ши за человек. У таким положаю бим мушел и тебе забиц, але... даруєм ци живот. Розум то и не прав ми прикросци. Пошедз ту до вечара, док я дакус не одидзем.

Вжал пушку од нього и набої, преблєкше, з револьвером доруки и несталого о пар минути у гуцави.

Конвай ше клял же послуха, але пришагу не дотримал. Цо тот лєм зашол до гуцави, конвой одбегнул на пункт и розповед шицко. Начальство ше пенело од гнїву. Враци ше го муши.

И послали 30 чекистох и шейсц школованих псох за нїм. Наказ бул: Василенка привесц живого лебо мертвого.

Пейц днї гажели блато коло пресильного пункту, а Василенко на нїх трираз наишол, але им вимкнул. И едного чекиста ранел, гоч вец торбу и пушку мушел одруциц, да може спекац. Тот глас ше розширел по цалим краю, та чекисти гризли пальци од гнїву.

Василенко ше барз добре находзел у тих пралєсох. Удало ше му уж треци дзень прейсц гранїцу присильного пункту и тримаючи ше железней драги цтвартого дня шедал пребрани и масковани як стари згорбени дїдо на трецей штациї до гайзибану. И так би вон допутовал аж до дому на Подилє до свойого валала Хмильника, але видно, инак ше мало стац. На штациї ст. Котлес, дзе стої будна патрула, зшол пиц води. И баш теди ухдзел до штациї гайзибан — вочи. Вон попатрел так без ция. Нараз як да доньго трєсло, бо збачел познатих пайташох, цо спекали. Пола-

потреби, вец у опасносци самавичносц членох такей фамилии. О тим нам шведочи жалосне искусство наших днїох по цалим швецє.

Понеже по волї Божей любов темель женїдби вона ма вязац, мужа и жену у доживотней едносци. Кед ту гуторимє о „любови“, то под тим меном розумимє не тілесну любов, цо виходзи з тілесней похоти, але тамту висшу любов, котра виходзи з любови Божей, и котра подобна Божей любови. Дзе у женїдби нет тей висшей любови, там ше отримує супружеска едносц лєм так длуго, як длуго тирва тота тілесна любов, котра виходзи з похоти. Може ше догодиц, же таку женїдбу подтримує даяки господарски интереси, але така женїдба не отвицує Божей волї; вона понїжує человека.

Боже преклятство над тима цо осквернюю женїдбу.

Читателє! Не чудуйце ше, кед читає горнї слова. Бог — правда, „долготереливи и многими-лостиви“, але и праведни. Кед ше напони чаша Божей церпелївосци, Вон оштро карє, кед не на тим, а то бизовно на другим швецє. У Св Писму читає за гринїка: „Прекляте най будзе його содїйствованє на жєми... най идзе до пекла його грїх. Най забудзе на ньго помилованє; його сладкосц най буду черви; най не остане по нїм памятка, але най ше розбие як неплодне древо“. (Йов. 24, 15-22).

Кед погубени вавилонски цар Валтазар розказал, да ше принєшу зос єрусалимского храму святї посудї, котри його оец Навукаднєзар покранул зос храму, теди ше указала на муре тайповита рука и написала три слова: „Мене, текед, фарєс“. Цар Валтазар збляднул, а пророк Данил му ростолковал, же тота рука знаменує кару Божу за його богохулу роботу. Тей истей ноци бул Вавилон розвалєни, а цар забити.

Християнска женїдба, котра дїло Боже, вона вельо вецей вредзи якцо вредзели посудї зос єрусалимского храму. А кельо вст нєшка людзох, котри обещесцує женїдбу? То робя не лєм тоти оженєти людзе, котри зос нечистоту и прелюбодїйством гажа Божу святиню и цагаю ю до блато, але

„РАСТИТЕ И МНОЖИТЕСЯ!“

Божа заповедз. — Божї розказ.

Господь створел человека на свой образ и на свой подобие. Человек подобни Господу Богу не лєм по тим, же ма розум и шлєбодну волю, але Бог сцел, да Му человек будзе подобни и у Його роботох. Вон так роби, же Вон ствара и влада. Едну часц од тей своей створительской моци и владарскєй власци придал Господь Бог и човекови, да Му человек будзе и у тим подобни.

(Далєй будзе)

пали их и звязаних их везли назад. Медзи нїма збачел звязаного и свойого брата Костя.

Зийочел, а з руки випуцел гарчичок, неосетел ше. Чекист ше у истей минути пуцел гу ньому.

— „Двдушка, минуточку, адїн вапросик...“

Василенко не чекал. Преруцел ше едним скоком преїг наскладаного древа и просто до лєса. Загвиздали чекистки кульки, але вон длугоноги за пар минути скапал. Ту му ше пощесцело.

Шеднуц на гайзибан ше бал, та ше пуцел як и я попри железнєй драги. Длуго так путовал, бо дошол аж до 300-го километра. И чи од гладу, чи зос цикавосци зашол до едного обисца. Випитал од жени еден овшани хлебик и уж уходзел до лєса, а за нїм ше розкричал кацап — жєїн муж:

— „Папаша, а папаша! Вярнїс, чай малачка пахлебаш-та. Вєдь сдалєка, набос-та, умарилса!“

Налиц ше млека, кед человек вола — ствар не зла. Василенко ше врацел и анї не думал, цо го там чека.

— „Садїс, батя“ и попатрує на Василенка — „за стол, за стол. Пакудаль малачка напїомса, чай, давайка, разгляжу тябя-та. Нєбос, бародушка розкошная“ — и старгнул Василенкови прилїпену браду.

— „А вот каков ти батя“ — злорадо ше нашмєял кацап. „Бяглец? Знамч ваши ухватки. Тєперя не уйдьош-та. Фонька, Фонька! Бяги Ипатєвих известї-та“. И замкнул дзєвери.

Василенко упар паньго револьвер: „гєт з дзєверо!“

Петровци.

Нащивене Преовяц, Владики

Уж од днїа кед нам наш папоец явел, же приходзи гу нам наш Преосвящени Владика, могло ше обачиц у цалим валалє необицнє рихтанє, яканик необицна радосц, котра ше не появує каждого днїа. Шицки зме опчековали Гєвтого, котри нас так люби, котри ше так за нас стара, котри ше за нас тельо моглї.

Красни днї допуцели нам да ше пририхтає за дочек, за таки дочек яки спада лєм такому вождови, котри любї свой народ. 19. того мєшаца на три годзиц по поладню на-зберали ше пред парохию коняниц и коло 12 кочи полни зос школски-ма дзецми, лєгнє з дзєвчатми, старши и младши хлопи, шицки оквицени зос папским и нашим прапорами и у шорє рушєли ше на агенцию до Янковцох. На агенциї направели школски дзеци шпалир и кед гайзибан уходзел цука весело махали зос прапорами и кричали: „Най живє наш Преосвящени Владика!“ Преосвящєного дочекал наш папоец, у мєну срезкого начєлника срески пристав и. Мичун, у мєну Янковцох: председатєль општини и новтаруш янковски, др. Кайганич валалски лїкар и вельо янковского швета. — Накєди Преосвящєни тєднул на гитов, до котрого бул запрагнути красни конї Янка Пап — янковски мажари обявєли приход нашого Владики. Пред янковску цєркву велького Госца дочекал папоец Иванкович, зос красним привитом.

На концу нашого валала була направєна велька капура, на котрей було виписанє: „Благословєн грядий во имя Господнє...“ и украшєна з вєщамї и з нашим прапорами. Накєди Преосвящєни зинол — скоро

Кацап ше стрєсоли одскочєл од дзєверох а Василенко го ище далєй дрїлєл и цо нога пошєла дай до лєса гу железней. Нє же бежал, лєцєл, але на його нєщєсчє, лєс бул ту узки, у нїм з едного боку сухостой и блато, а з другого железна драга, а на нєй трєме з унартїма пушками. Дзє? кадзи...?

Не трацєл духа. Штрєлєл раз и лєцєл. Штрєлєл другираз — становєл тих, цо за нїм ишли. Але, нестало набої, а за нїм ше заш озвали шицки три пушки.

Не знам же чи зос страху, чи з болю, вон спаднул з двома ранами до бруха и до ноги. А нєприятєлє добєгли:

— „А батєшка! Бяжини из Усєвлона?! Нєт братєц! Уж будяни нан-та. Нє випустїм из нашей старонушки. Наможєш нам в лєсах сациализм настраить“.

Василенко плакал, ноги їм бочкал, шицко давал, моглєл, благал — нїч не помогло. Нє змилосердовали ше му.

Видведли го на мурашанску штацию, придали патрули и за тидзєнь уж бул ведно з братом на пункту у рукох агєнтох-мучитєльох. Посцаговали їм живим жили и осудзєли: до дроту закованого Василенка водзєли по шицких пунктох, зволовали митинги мучитєльох и кадзи ше на нїм виражєл як сцєл. Гу тому мушел на каждим пункту отримац едну бєшєду проци „пабєгов“.

Але вон не вигримал. Анї до свойого 5-го пункту нєдошол. На митингу 4-го пункту пред 5.000 людзох на словох: „я зрозумєл... же спекац нет смисла. Поволуєм вас шицких... нє... спаднул и умар. Його кару 8 роки мал одбудз його брат Кость осудзєни за „соучаствїє в пабєрє“.

Сєтел сом ше того смутного випадку, по хрибцє ми як да брамушки прєнїли и я ше розбєгнул далєй од хижох, цо сом лєм мал сили. И глад якош замар. (Далєй будзе). Т.

цали валал ту позберани здним гласом скричал: „Най жив наш Преосвящени Владика!“ — Дораз приступела мала Иринка Пацуга, и зос дзвонким гласом привитала Преосвященого зос писню, котру специялно за тот дочек зложел бувши наш парох пречасни С. Петранович, на цо му на тим месце крашне дзекуме, — и дала Му вельки букет квеца. Потим приступел наш бирев Олеар Микал и зос свою уж познату спрему у длукушей бешеди зажил чел щешливи побут у нашим валале.

На дзверох церкви привитал Преосвященого наш паноец Янко Будински.

В суботу вечар приправили нашо Петровчане свойому любимому Владика красну бакляду, а в недзелю вечар у Просвиту ище красну Академию зос красним програмом.

Шицко було барз крашне виведзене, хор шпивал точно, як стари добро вивежбани (диригент студент Югас), а особено ше попачел панучитель Олеар, зос народними писнями на гуслих и символични вежби дзвчатох зос нашим народним гербом трозубом. Вивежбал их уч. Олеар.

Владика остал у Петровцок до стреди. Кажди дзень з другима паноцами споведал и наказовал. В недзелю була торжественна архиерейска Служба на котрей Преосвященому асистовали: Преч. Гирйовати декан з Миклошевцох, о. Мих. Фирак з Керестура, о. Др. Сегеди, Владиков секретар и домашни паноец Я. Будински.


Стреду пополадню випровадзели Петровчане Преосвященого до Миклошевцох, а паноец Будински подзековал му у мену цалей парохии за його апостолски труд и жертви.

Привит

в котрим привитани Преосв. Владика у петровскей „Просвиту“ 1938. р. — Зложел о. Сп. Петранович.

Преосвящени Владико,
Отче наш мили,
О, як ми дакеди смутно и худобно жили
У нашим валале...
А нешка пале...
Мира, любови и братскей злагоди
Ту прекрасни плоди:
Церква, парохия
И други здания...
А цо ище дзецом нашим треба
Як фалаток хлеба
И о тим зме бригу водзели
И Просвиту тоту ушорели,
Да будземе и ми як други нашо браца
Шодзе, хторим мила каждая народна праца,
У нашей Просвиту, Владико мили,
Ми нешка радост превельку дожили
Ти пришол ту нам, а ми добре знаме
Же векшого од Тебе сина не маме
Ти потіха наша щира и права,
Ти церкви нашей Пастир и Глава.
Конч діло свойо!
А стадо Твоё
При Тебе стої
И не треба да ше бої
За душу свою
У щетовим бою...
Вшадзи, вшадзи,
Вон це провадзи
И щещиц ше будзе през живот свой цали
Цо зос Тобу стої на петровскей скали
Хтору ані сила ада
Не може да надвлда!
Витай нам, витай, наш Руски Владико
Витай нам, витай, Люба наша слико,
Шицка наша слава у Тебе нам скрита,
Бог най це жие на многая літа!

САБОЛ Евген Колода у Петровцох ма вше на складу готови хлопски шмати почавши од 120 Д. и на више. Прима нарудзби по найновшим крою и фазони и шие шмати почавши од 50 Д.



Французи ше боя, же ше и князовство Лихтенштайн зедини зос Немецку и о тим тераз вельо пишу французки новини. Тото князовство до 1919. року було зединене у царини зос Австрию, а од 1919. року зос Французку. З немецкей страни о тим нет ніяки висти.

Предс. англійскей владі лорд Чемберлен виявел же догварки о порозуменю Италиі зос Англійску добре напредую и же ше надава же ше щешливо доверша. Так би престали и неприятельства медзи Италию и Англию.

Др. Сушник канцелар бывшей Австриі ма буц одведзени до Немецкей до вдного центраційного лагеру.

Тих дньох почала ше оправати гайзибанска драга цо водзи до Литви зос Польскей по котрей не ишли през осемнац роки гайзибани. На 20 километрох хибя и шини, так же прейдзе ище длукуши час док прейдзе до ней перши гайзибан на знак помиреня Польскей и Литви.

Чеси у велькей бриги пре соединене Аустриі ту Немецкей. На шицки страни гледаю тих цо им буду гарантовац их граници. У Ческей ест вельо Немцох (коло 4 милиони) и вони вше гледали, а тераз гледаю ище баржей свойо права. Новини пишу, же Англійска советовала Чехом, да попуца Немцом своім граджаном и да ше з німа ушора, бо Англійска не гарантуе за Чески граници.

Вибовхла бомба у дому Окружного Уреду у Сплиту при кварталю директора Окружного Уреду. Хто положел бомбу не зна ше. Од експлозии настрадало лем здание, а од людзох ніхто.

Войско генерала Франка и далее напредув. Републиканци питаю од Французох помоц не лем у вонним материялу, але да Французка пошле и свойо войско проти Франка. Франково аероплани бомбардуо вароши од чого страдаю вельо и невини людзе.

Заш питаю Англійска и Французка од генерала Франка да не бомбардуе отворени вароши: Вони ше обрацели и на Папу, да ше вон стави на чоло тей акциі.

У Немецкей Гитлер розпушел парламент, а нови виберанки росписани за цалу нову немецку державу на 10 априла, исти дзень кед ше ма одбуц тиж и плебисцит у бывшей австрийскей держави.

У Польскей були недавно демонстрациі проти Литви. Кричало ше: „На Ковно! На Ковно!“ На то пишу чески новини, же и 1914. року кричало ше у Бечу: „На Сербию! На Сербию!“ а цо зос того вишло?

Мудри закон за вибори видала мадырска влада. У нім одредзено, же право гласа маю лем тоти, цо звершели голем основну школу и маю 26 роки живота. Цалком право, бо млади и неписмени людзе не можу сами розпознац за кого лепше гласац та их плацени агитаторе водза за нос як ше им пачи.



У СЕНАТУ почала розправа о новим бюджету за 1938-9 рок. Найвещей бешеди заш о горватским питаню. Др. Мишкулци, Горват виявел же единство державне не може робиц на тот способ да ше шицко давне ламе и одручуе, але зос поштованьом прешлости побидийих племенох да ше будув нашо державне единство.

ДА ЦЕ ВЕЦЕЙ НЕ КАРТА сам написал проти себе тужбу на валал Душан Арсениевич

з Ягодини и модлел да там пришагне же вецей не будзе картац, бо вельо пенези на картох трацел, а кед зламe пришагу да го завру. Валал молбу приял и Душан пришагал же вецей не будзе картац.

У ОСГКУ згорела до жеми фабрика наметаша Й. Божича. Шкода преко милион динари. Випатра же огонь настал од цигара, котру еден роботник не загашел кед звершел роботу.

ЛСТО А НГ ЯР завладало у нас, а як пишу новини и у других крайох тиж. Горучава така як у юну, На польох ше роби же красота, лем би уж дижджу требало.

У ГЕРЦЕГОВИНИ у даскельох валалох завладала на велько хорота негави тифус. До тих валалох не шлебнодно нікому войсц, ані з нїх висц.

БЕОГРАД ма нешка 365.000 жителейох, його бюджет виноши 336 милиони, на каждого жителя однада коло 900 Дин. варошкого прирезу. Длуства ма београдска опчина 600 мил.

ВИДРУКОВАНА УЖ

„КУХАРКА“

приручна кнїжочка наменена нашим гайзиньом-кухарком, да ше им олгча готовене у кухні. Уж ше давно нашо жени згваряли, же замодля „Просвиту“, да вона и їм у їх работи дакус поможе т. е. да вида за нїх кухньово рецепти у еднеі кнїжочки, гоч будзе обимом и менша у першим виданю. „Просвита“ видоволела тото праведне жадане, видруквала „КУХАРКУ“, у котрей як 130 рецепти, котри су випробовани, добри, смачни, здрави, а попри шицким тим и туні.

Гавдиня, цо купи „КУХАРКУ“, нема бриги, же цо будзе нешка вариц, печиц, а ище меней же як то вона у вари, упече, прето най ше каждая остара цо скорей, а особено тераз ище пред Вельку Ноцу, да себе набави тоту кнїжочку „КУХАРКУ“, бо друковано лем мале чїсло.

У Керестуре ю мож достац у Друкарни „Просвиту“, на першей капеланиі, у дутянох: Папа, Гудакка, Старого Пекара, и Душана, а кошта лем

5 динари.

Достац мож „КУХАРКУ“ уж на недзелю 26. марта т. р.

З других валалох най ше нам явя повереници! Явиц ше треба на

ДРУКАРНЯ „ПРОСВИТИ“
Руски Керестур.

СПОРТ

В недзелю дня 27. III. т. р. одбудзе ше реванш змагане С. К. „Русина“ проти С. К. „Яношик“ з Пивницох. Змагане ше одбудзе у Керестуре.

Придзце у цо векшим числу! Не сануйце 2 динари! Вступ 4. 2 и 1 дин. Берон.

Цена зарну.

Жито	—	—	—	—	—	177-180
Кукурица	—	—	—	—	—	92-95
Овес	—	—	—	—	—	132-138
Ярец	—	—	—	—	—	137-140
Мука 0.	—	—	—	—	—	272-282
Мука 2.	—	—	—	—	—	252-262
Огруби	—	—	—	—	—	96-100